

Члан 36.  
(Смјештај мачака)

- (1) Простор за мачку мора да буде величине најмање 1m x 1m x 1m, а ако су мачке смјештене групно, величина простора мора да буде најмање 3m x 4,5m x 2m.
- (2) У групи смије да буде највише 15 одраслих мачака или 20 младунчади.
- (3) У боравишном простору свака мачка мора да има одговарајуће лежиште те простор за дефековање, а на располагању им морају да буду одговарајући предмети којима се занимају, односно играју.

Члан 37.  
(Прелазне одредбе)

Склоништа из члана 1. овог правилника која обављају дјелатност на дан ступања на снагу овог правилника морају да ускладе начин рада са одредбама овог правилника у року шест мјесеци од дана ступања на снагу овог правилника.

Члан 38.  
(Ступање на снагу)

Овај правилник ступа на снагу осмог дана од дана објављивања у "Службеном гласнику БиХ".

Број 07-1-02-1034/10  
17. марта 2010. године  
Сарајево

Министар  
Младен Зиројевић, с. р.

На основу члана 40. тачка г) Закона о заштити и добробити животиња ("Службени гласник БиХ", број 25/09), Министарство ванјске трговине и економских односа, на приједлог Уреда за ветеринарство Босне и Херцеговине, donosi

## PRAVILNIK

### O OSNIVANJU I UVJETIMA KOJE MORAJU ISPUNJAVATI SKLONIŠTA ZA ŽIVOTINJE

Члан 1.  
(Предмет)

Овим правилником се прописују увјети које морају задовољавати склоништа за животиње, с обзиром на смјештај, начин изградње, опрему, начин рада и ветеринарско-здравствени ред.

Члан 2.  
(Ветеринарско-здравствени ред)

У смислу овог правилника, под појмом ветеринарско-здравствени ред подразумијева се осигурање објеката из члана 1. овог правилника од неконтролираног уласка и изласка људи, животиња и возила, одржавање реда и чистоће, те оптималних микроклиматских увјета својствених појединој врсти животиња у објектима и око њих, осигурање здравствене исправности воде, те провођење дератизације и дезинсекције.

Члан 3.  
(Обавеза управног органа)

Управни органи у складу с одредбама Закона о заштити и добробити животиња ("Службени гласник БиХ" број 25/09, у даљњем тексту: Закон), према специјалним увјетима и потребима средине и бројности популације напуштених животиња, дужни су основати склоништа за животиње.

Члан 4.  
(Увјети за оснивање)

- (1) Склониште за животиње може почети обављати дјелатност на основу дозволе из члана 28. став (2) Закона, коју издаје надлежни управни орган општине на чијем подручју се формира склониште за животиње.
- (3) Склониште за животиње може се формирати за потребе више општине, у ком случају дозволу за обављање дјелатности из члана 28. став (5) Закона, издаје надлежни управни орган општине на чијем подручју се формира склониште за животиње.

Члан 5.  
(Додатни увјети)

У обављању регистrirане дјелатности склониште за животиње, уз одредбе Закона и овог правилника, у свом пословању мора испунјавати и друге увјете у складу са специјалним прописима:

- a) о минималним стандардима држања животиња;
- b) о вођењу евиденције о животињама;
- c) о prijevozu животиња.

Члан 6.  
(Захтеј за издавање дозволе)

Уз захтеј за издавање дозволе из члана 4. овог правилника, подноси се:

- a) доказ о регистрацији;
- b) подаци о физичком или правном лицу као подносиоцу захтеја (име и презиме те адреса пребивалишта физичког лица, односно назив и сједиште правног лица);
- c) адреса склоништа за животиње;
- d) подаци о одговорном лицу (име и презиме, адреса пребивалишта);
- e) приказ из којег ће бити видљиво:
  - 1) планирани број службеника задужених за бригу о животињама, њихова едукација и послови које ће обављати;
  - 2) начин осигурања ветеринарске заштите животиња.

Члан 7.  
(Издавање дозволе)

Дозвола из члана 4. овог правилника издаје се подносиоцу захтеја у складу с чланом 28. став (5) Закона.

Члан 8.  
(Регистар склоништа за животиње)

- (1) Склониште за животиње, на основу дозволе из члана 4. овог правилника, уписује се у Регистар који се води при надлежном управном органу општине која је издала дозволу.
- (2) Евиденција у Регистру из става (1) овог члана мора садржавати слjedeће податке:
  - a) број дозволе;
  - b) датум издавања дозволе;
  - c) адресу склоништа за животиње;
  - d) податке о физичком или правном лицу које обавља дјелатност (име и презиме, те адреса пребивалишта физичког лица, односно назив и адреса сједишта правног лица).

Члан 9.  
(Смјештај објекта)

- (1) Објекти из члана 1. овог правилника морају бити смјештени на таквом мјесту да не нарушавају рад и cjелovitost već postojećih објеката и да не контаминирају околицу.
- (2) Објекти из члана 1. овог правилника морају бити најмање 250-300 метара удаљени од насељеног мјеста.
- (3) Удаљеност објеката из члана 1. овог правилника од насељеног мјеста може бити и мања, али у том случају морају бити оградени чврстом оградом, најмање висине 2 м, да би се осигурала звучна и визуелна изолација од околине.

Члан 10.  
(Тло)

Објекти из члана 1. овог правилника могу бити изградени само на компактном и сухом тлу с ниским нивоом подземних вода, те изван подручја која могу бити угрожена поплавама и клизањем терена.

Члан 11.  
(Круг објекта)

Круг објекта из члана 1. овог правилника мора бити довољно простран да осигура њихову функционалну повезаност, те ограден адекватном оградом, а све површине које нису бетонирани или асфалтирани морају бити под uredно одржаваним зеленилом.

## Član 12.

## (Voda)

- (1) Objekti iz člana 1. ovog pravilnika moraju biti snabdjeveni dovoljnom količinom pitke vode iz javnog vodovoda ili vlastitog bunara.
- (2) Zdravstvena ispravnost bunarske vode mora biti kontrolirana u ovlaštenim laboratorijama, najmanje jednom godišnje.

## Član 13.

## (Odvod otpadnih voda)

- (1) Objekti iz člana 1. ovog pravilnika moraju imati sistem za prihvat i odvođenje otpadnih voda.
- (2) Padavinske vode mogu se ulijevati u kanalizaciju ili prirodni recipijent bez pročišćavanja.
- (3) Otpadne i fekalne vode iz objekta, prije ulijevanja u prirodni recipijent ili kanalizaciju, moraju proći kroz odgovarajući sistem pročišćavanja.

## Član 14.

## (Odlaganje čvrstog otpada)

Prostor za odlaganje i zbrinjavanje čvrstih fekalija iz objekata iz člana 1. ovog pravilnika mora biti smješten i izgrađen tako da sprječava kontaminiranje okolice.

## Član 15.

## (Higijensko-tehnički uvjeti)

- (1) Objekti iz člana 1. ovog pravilnika moraju biti izgrađeni u skladu s općim higijensko-tehničkim zahtjevima i na način koji omogućava optimalne mikroklimatske i zoohigijenske uvjete smještaja adekvatne pojedinoj vrsti životinja.
- (2) Temperatura zraka u prostorijama za pse i mačke ne smije biti niža od + 5°C, a ljeti može biti u skladu s vanjskom temperaturom zraka, s tim da u tom slučaju mora biti osiguran takav sistem prozračivanja, a prema potrebi i klimatizacijski sistem, koji će osigurati dovoljno prozračnosti, a prema potrebi i rashladivanje.
- (3) U prostorijama u kojima su smještene bolesne životinje, ukoliko nema sistema grijanja usmjerenim izvorom topline (infracrvena sijalica, grijani pod i sl.), temperatura okolice ne smije biti niža od + 18°C.
- (4) Podovi, zidovi i krov prostorija u kojima su smještene životinje moraju biti adekvatno izolirani od djelovanja nepovoljnih klimatskih utjecaja.

## Član 16.

## (Unutrašnji prostor)

- (1) Podovi, zidovi i stropovi prostora i prostorija objekata iz člana 1. ovog pravilnika u kojima su smještene životinje, moraju biti od neporoznog i nehigroskopskog materijala koji omogućava efikasno čišćenje, pranje i dezinfekciju, te otporni na grizenje i grebanje.
- (2) U prostorijama i prostorima u kojima borave životinje mora biti osigurano dovoljno dnevnog svjetla, adekvatno pojedinoj vrsti životinja.

## Član 17.

## (Odlaganje lešina)

- (1) Objekti iz člana 1. ovog pravilnika moraju imati hladenu prostoriju/frižider ili vanjski kontejner za sakupljanje lešina.
- (2) Kontejner mora biti zaključan i smješten u krugu objekta tako da je onemogućen pristup ljudima i životinjama, te smije biti korišten isključivo u svrhu odlaganja lešina iz objekata iz člana 1. ovog pravilnika.
- (3) Lešine moraju biti redovno odvožene u objekte za neštetno uklanjanje lešina.
- (4) Hladena prostorija/frižider ili kontejner za sakupljanje lešina mora biti redovno čišćena, prana i dezinficirana.

## Član 18.

## (Deratizacija i dezinfekcija)

- (1) Unutar kruga objekta iz člana 1. ovog pravilnika mora biti redovno obavljena deratizacija dva puta godišnje, a prema potrebi i češće.

- (2) Dezinfekciju objekata iz stava 1. ovog člana treba provoditi tokom perioda aktivnosti insekata najmanje jednom mjesečno, a u ostalom dijelu godine prema potrebi.

## Član 19.

## (Osiguranje dobrobiti)

Objekti iz člana 1. ovog pravilnika moraju zadovoljavati potrebe životinja smještenih u njima, tako da životinje:

- a) ne trpe glad i žeđ;
- b) nisu izložene fizičkoj nelagodnosti i strahu;
- c) zaštićene su od povreda i bolesti;
- d) nalaze se u svojoj vrsti adekvatnoj okolini.

## Član 20.

## (Radno vrijeme)

- (1) Radno vrijeme objekata iz člana 1. ovog pravilnika, koje se odnosi na rad sa strankama, mora biti najmanje četiri sata radnim danom, a tokom 24 sata dnevno mora biti osigurano dežurstvo za prijem životinja u hitnim slučajevima.
- (2) Dežurstvo će biti organizirano u dogovoru s veterinarskom organizacijom na način koji osigurava hitnu veterinarsku pomoć životinji tokom 24 sata dnevno.

## Član 21.

## (Obavijest na ulazu u objekat)

Na ulazu u objekte iz člana 1. ovog pravilnika mora biti postavljena natpisna ploča s punim nazivom, adresom, telefonskim brojem, te oznakom radnog vremena.

## Član 22.

## (Osoblje)

U objektima iz člana 1. ovog pravilnika mora biti odgovarajući broj lica koja se brinu o životinjama, i to najmanje jedno lice u odnosu na 50 pasa.

## Član 23.

## (Rukovodilac skloništa)

- (1) Objekti iz člana 1. ovog pravilnika moraju imati rukovodioca sa srednjoškolskim obrazovanjem (veterinarskog ili drugog smjera) i odgovarajuće iskustvo stečeno u radu sa životinjama.
- (2) Rukovodilac brine o održavanju veterinarsko-zdravstvenog reda, a odgovoran je i za vođenje evidencije o životinjama, te za rad lica uključenih u rad objekata iz člana 1. ovog pravilnika.
- (3) Fizička lica koja obavljaju djelatnost u objektima iz člana 1. ovog pravilnika ne smiju biti osuđivana za prekršajna djela nepropisnog postupanja sa životinjama u skladu s odredbama Zakona, niti za kaznena djela mučenja i ubijanja životinja sukladno odredbama Kaznenog zakona Federacije Bosne i Hercegovine ("Službeni list FBiH" br. 36/03, 37/03, 21/04, 69/04 I 18/05) i Kaznenog zakona Republike Srpske ("Službeni glasnik RS" br. 49/03, 108/04, 37/06 i 70/06).

## Član 24.

## (Osiguranje veterinarske zaštite)

- (1) Pravna i fizička lica koja obavljaju djelatnost u objektima iz člana 1. ovog pravilnika, moraju osigurati veterinarsku zaštitu zdravlja životinja.
- (2) U svrhu osiguranja potrebne veterinarske zaštite zdravlja životinja, osobe iz stava (1) ovog člana mogu sklopiti ugovor s veterinarskom organizacijom.

## Član 25.

## (Prevoz životinja)

- (1) Pravna i fizička lica koja obavljaju djelatnost u objektima iz člana 1. ovog pravilnika mogu imati odgovarajuće vozilo ili prikolicu za prijevoz životinja ili obavljati prijevoz životinja do skloništa u saradnji s higijenskim servisom.
- (2) Prostor za vozača mora biti odvojen od prostora za životinje čvrstom fizičkom ogradom.
- (3) Prostor za životinje unutar vozila ili prikolice mora biti:
  - a) dovoljno prostran za kafeze u kojima životinja normalno stoji ili leži;

- b) s optimalnom temperaturom unutar vozila najmanje 5°C a najviše 30°C;
  - c) prozračan;
  - d) bez oštrih ivica i izbočina na kojima se životinja može povrijediti;
  - e) opremljen tako da obezbjeđuje siguran prijevoz životinje;
  - f) jednostavan za čišćenje, pranje i dezinfekciju.
- (4) Na vozilu ili prikolici moraju biti vidljivo obilježeni naziv, adresa i telefonski broj objekata iz člana 1. ovog pravilnika.
- (5) U vozilu ili prikolici iz stava (1) ovog člana ne smiju se, u prostoru za životinje, istovremeno sa životinjama prevoziti nikakve druge stvari (proizvodi, sirovine, otpaci).

#### Član 26.

##### (Prijem životinja)

- (1) Pravna i fizička lica koja obavljaju djelatnost u objektima iz člana 1. ovog pravilnika dužna su nakon primitka saopćenja o pronađenoj životinji, u saradnji s higijenskim servisom, osigurati njeno hvatanje i prijevoz do skloništa, ako lice koje je našlo životinju to ne može učiniti samo.
- (2) Pronađenu životinju treba uvesti u evidenciju i provjeriti nalazi li se na popisu traženih, o čemu se, u tom slučaju, obavještava vlasnik životinje putem sredstava javnog informiranja koja takve oglase objavljuju besplatno, a mogu koristiti i druge načine.
- (3) Pravna i fizička lica koja obavljaju djelatnost u objektima iz člana 1. ovog pravilnika dužna su osigurati smještaj životinje u roku 24 sata po primitku saopćenja, a ako je životinja povrijeđena, u roku četiri sata.
- (4) Ukoliko u skloništu nema mjesta za nove životinje, rukovodilac skloništa može dogovoriti s licem koje je pronašlo životinju, ili nekim drugim zainteresiranim licem, da se brine o životinji tako dugo dok se ne osigura smještaj u sklonište ili uputiti životinju na zbrinjavanje u drugo sklonište, ukoliko ga isto može prihvatiti.

#### Član 27.

##### (Izolacija)

- (1) Svaka novoprimitljena životinja mora biti prvo smještena u prostoriju za izolaciju u objektima iz člana 1. ovog pravilnika, kako ne bi došla u dodir s drugim životinjama. Pristup prostoriji za izolaciju ima samo osoblje objekata iz čl. 22. i 23. ovog pravilnika i doktor veterinarske medicine koji obavlja zdravstvenu zaštitu životinja.
- (2) Pas mora boraviti u prostoriji za izolaciju najmanje 10, a mačka najmanje 14 dana.
- (3) Prije ulaska nove životinje, prostorija za izolaciju mora biti očišćena, oprana i dezinficirana.
- (4) Svaku novoprimitljenu životinju u skloništu mora pregledati doktor veterinarske medicine, najkasnije 24 sata po smještaju.
- (5) Životinje u skloništu moraju biti tretirane protiv unutrašnjih i vanjskih nametnika, a imunoprofilaktičke i druge mjere provedene u skladu s veterinarskim propisima.
- (6) Osoblje skloništa mora najmanje dva puta dnevno provjeravati opće stanje životinja (npr. životinje ne jedu, ne defeciraju, ne mokre, apatične su, agresivne i drugo), te o tome voditi evidenciju u koju upisuje svoja opažanja i prema potrebi obavijestiti doktora veterinarske medicine.

#### Član 28.

##### (Utvrđivanje zdravstvenog statusa)

Svaka nađena životinja za koju nije moguće utvrditi zdravstveni status s bjesnoću, smatra se životinjom nepoznatog zdravstvenog statusa s obzirom na bjesnoću, te mora biti izdvojena, kako je određeno članom 27. stav (2) ovog pravilnika.

Nakon isteka perioda provedenog u izolaciji s negativnim rezultatom kliničkog pregleda na bjesnoću, životinja treba biti vakcinisana protiv bjesnoće i može biti udomljena.

#### Član 29.

##### (Udomljavanje slobodnoživućih životinja)

- (1) Nađene slobodnoživuće mačke bez vlasnika moraju biti primljene u sklonište i mora im se osigurati potrebna veterinarsko-zdravstvena zaštita, sterilizacija ili kastracija.
- (2) Nakon oporavka, te provedenih mjera u skladu s odredbama člana 27. ovog pravilnika, mačke iz stava (1) ovog člana mogu biti puštene u okolicu iz koje su uzete, ako je okolica adekvatna za njihov povrat, osim u slučaju da se nađu lica koja će preuzeti brigu o njima.
- (3) Nađeni psi bez vlasnika moraju biti primljeni u sklonište i mora im se osigurati potrebna veterinarsko-zdravstvena zaštita, sterilizacija ili kastracija i obilježavanje, osim u slučaju iz člana 26. stav (4) ovog pravilnika i/ili nakon isteka roka iz člana 28. stav (2) Zakona, unutar kojeg vlasnik životinje nije zahtijevao povrat životinje.
- (4) Nakon oporavka te provedenih mjera u skladu s odredbama člana 27. ovog pravilnika, psi iz stava (3) ovog člana mogu biti pušteni u okolicu iz koje su uzeti, osim u slučaju da se nađu osobe koje će preuzeti brigu o njima.

#### Član 30.

##### (Prihvatanje životinja u sklonište)

- (1) Pravna i fizička lica koja obavljaju djelatnost u skloništima preuzimaju i životinje za koje se njihovi vlasnici ne mogu ili ne žele više brinuti.
- (2) Takva životinja mora biti primljena u sklonište u roku osam dana od primitka zahtjeva iz stava (1) ovog člana, osim u slučaju nedostatka prostora, kada je potrebno postupiti u skladu s članom 26. stav (4) ovog pravilnika.
- (3) Vlasnik koji je dao životinju u sklonište nema pravo na drugu životinju iz skloništa, osim ukoliko drugačije ugovori s rukovodiocem skloništa.

#### Član 31.

##### (Udomiteljji)

- (1) Pravna i fizička lica koja udomljuju životinje iz objekata iz člana 1. ovog pravilnika dužna su prilikom preuzimanja životinje dati svoje lične podatke (naziv ili ime i prezime, adresa, telefonski broj) rukovodiocu skloništa za životinje, te potpisati izjavu o udomljavanju životinje.
- (2) Vlasnik životinje koji istu smješta u sklonište mora, osim ličnih podataka, dati i izjavu kojom potvrđuje da je vlasnik životinje i da se odriče vlasništva nad njom, te mora predati svu dokumentaciju o životinji i dati informacije o njenom karakteru i običajima.

#### Član 32.

##### (Evidencija)

- (1) Evidencija o životinjama uključuje podatke o:
- a) primljenim (vrijeme prijave o pronalasku, vrijeme prijema životinje u sklonište, spol, težina, broj identifikacijskog obilježja, ukoliko je pas obilježen, procjena starosti, inicijalno opažanje o zdravstvenom stanju, fotografija životinje, mjesto na kojem je pronađena životinja);
  - b) udomljenim (datum udomljavanja, adresa i broj telefona udomitelja);
  - c) upućenim u drugo sklonište (datum upućivanja i adresa skloništa u koje je životinja upućena);
  - d) steriliziranim ili kastriranim (datum sterilizacije ili kastracije);
  - e) mikročipiranim;
  - f) puštenim na mjesto nalazišta (lokacija na koju je pas pušten i broj ušne markice);
  - g) uginulim ili eutanaziranim (razlog uginuća ili eutanazije, datum eutanazije ime i prezime, potpis i pečat veterinara koji je izvršio eutanaziju);
  - h) zdravstvenom stanju životinja.
- (2) Sve evidencije koje se vode o životinjama u skloništu moraju se redovno obnavljati.

- (3) Evidencije iz stava (1) ovog člana moraju se dati na uvid na zahtjev veterinarske inspekcije.

**Član 33.**  
(Eutanazija)

- (1) Rukovodilac skloništa može odbiti prijem životinje i uputiti vlasnika sa životinjom u veterinarsku organizaciju, ukoliko primijeti jedno od stanja iz člana 14. stav (1) Zakona.
- (2) Za životinju za koju se tokom boravka u skloništu iz člana 1. ovog pravilnika primijeti jedno od stanja iz člana 14. stav (1) Zakona, doktor veterinarske medicine je dužan izvršiti eutanaziju u skladu s članom 15. stav (1) Zakona.

**Član 34.**  
(Specijalne odredbe)

Sklonište za životinje sastoji se od:

- prostorijske ili prostora za prijem (identifikaciju/evidenciju) životinja;
- prostorijske ili prostora za čišćenje, kupanje i sušenje životinja;
- prostorijske ili prostora za pregled životinja, koji obavlja doktor veterinarske medicine;
- prostorijske za izolaciju životinja, odvojeno za pse i mačke, s odgovarajućim brojem kafeza/boksova, koja mora biti zaključana;
- odvojene prostorijske, prostora (kafezi, boksovi) za držanje različitih vrsta životinja, prema potrebi;
- magacina;
- prostorijske ili prostora za spremanje sredstava za čišćenje i dezinfekciju, koja mora biti zaključana;
- prostorijske za čuvanje, pripremu i raspodjelu hrane za životinje te čišćenje i pranje posuda, odnosno posuda za hranu i vodu;
- hladene prostorijske ili prostora (zamrzivač) za odlaganje lešina, za vlastite potrebe;
- prostora za slobodno kretanje životinja;
- prostorijske za osoblje i
- sanitarnog čvora (WC, kupaonica).

**Član 35.**  
(Smještaj pasa)

- (1) Prostor za smještaj pasa u skloništu sastoji se od:
- zatvorenog dijela, adekvatno zagrijanog i prozračnog, za svaku životinju zasebno, s ispustom natkrivenim do 1/3 površine; zatvoreni dio mora biti veličine najmanje 2,0 x 2,0 x 1,8 m<sup>2</sup>, a otvoreni dio najmanje 2,0 x 2,0 x 2,4 m<sup>2</sup>,
  - zasebno ograđenog prostora unutar kruga skloništa, u kojem neće biti mogućnosti povrjeđivanja životinja, a u kojem će se psi moći slobodno kretati adekvatno svojim potrebama.
- (2) Ako je u jednom prostoru smješteno više pasa, svaki pas mora u zatvorenom dijelu imati osiguranu površinu od najmanje 3,0 m<sup>2</sup>, a u otvorenom najmanje 4 m<sup>2</sup>.
- (3) U boravišnom prostoru moraju biti odgovarajući predmeti kojima se pas zanima, odnosno igra.

**Član 36.**  
(Smještaj mačaka)

- (1) Prostor za mačku mora biti veličine najmanje 1m x 1m x 1m, a ako su mačke smještene grupno, veličina prostora mora biti najmanje 3m x 4,5m x 2m.
- (2) U grupi smije biti najviše 15 odraslih mačaka ili 20 mladunčadi.
- (3) U boravišnom prostoru svaka mačka mora imati odgovarajuće ležište te prostor za defeciranje, a na raspolaganju im moraju biti odgovarajući predmeti kojima se zanimaju, odnosno igraju.

**Član 37.**  
(Prijelazne odredbe)

Skloništa iz člana 1. ovog pravilnika koja obavljaju djelatnost na dan stupanja na snagu ovog pravilnika moraju

uskладiti način rada sa odredbama ovog pravilnika u roku od šest mjeseci od dana stupanja na snagu ovog pravilnika.

**Član 38.**  
(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj: 07-1-02-1034/10  
17. marta 2010. godine  
Sarajevo

Ministar  
**Mladen Zirojević, s. r.**

147

Na temelju članka 40. točka h) Zakona o zaštiti i dobrobiti životinja ("Službeni glasnik BiH", broj 25/09), Ministarstvo vanjske trgovine i ekonomskih odnosa, na prijedlog Ureda za veterinarstvo Bosne i Hercegovine, donosi

**PRAVILNIK**

**O UTEMELJIVANJU I UVJETIMA KOJE MORAJU  
ISPUNJAVATI HIGIJENSKI SERVISI**

**Članak 1.**  
(Predmet)

Ovim se Pravilnikom propisuju uvjeti o utemeljivanju i uvjeti kojima moraju udovoljavati higijenski servisi s obzirom na smještaj, način izgradnje, opremu, način rada i veterinarsko-zdravstveni red.

**Članak 2.**  
(Veterinarsko - zdravstveni red)

U smislu ovoga Pravilnika, pod pojmom veterinarsko-zdravstveni red podrazumijeva se osiguranje objekata iz članka 1. ovoga Pravilnika od nenadziranog ulaska i izlaska ljudi, životinja i vozila, održavanje reda i čistoće, te optimalnih mikroklimatskih uvjeta svojstvenih pojedinoj vrsti životinja u objektima i oko njih, osiguranje zdravstvene ispravnosti vode, te provedbu deratizacije i dezinfekcije.

**Članak 3.**  
(Obaveza upravnog tijela)

Upravna tijela sukladno odredbama Zakona o zaštiti i dobrobiti životinja ("Službeni glasnik BiH", broj 25/09, u daljnjem tekstu: Zakon), prema specifičnim uvjetima i potrebama sredine i brojnosti populacije napuštenih životinja dužna su osnovati higijenski servis za hvatanje i zbrinjavanje napuštenih životinja.

**Članak 4.**  
(Izuzeca)

Izuzetno od odredbi članka 3. ovoga Pravilnika, sukladno prosudbi populacije i specifičnim uvjetima i potrebama sredine, upravna tijela županije, grada ili općine mogu sklopiti ugovorni odnos za vršenje usluga hvatanja i zbrinjavanja napuštenih životinja s higijenskim servisom registriranim za tu djelatnost s drugog područja.

**Članak 5.**  
(Uvjeti za osnivanje)

- Higijenski servis može početi obavljati djelatnost na temelju dozvole iz članka 29. stavak (4) Zakona, koju izdaje mjerodavno upravno tijelo općine na čijem području se formira higijenski servis.
- Higijenski servis može se formirati za potrebe više općina, u kom slučaju dozvolu za obavljanje djelatnosti iz članka 29. stavak (4) Zakona, izdaje mjerodavno upravno tijelo općine na čijem području se formira higijenski servis.

**Članak 6.**  
(Dodatni uvjeti)

U obavljanju registrirane djelatnosti higijenski servis, uz odredbe Zakona i ovoga Pravilnika, u svojem poslovanju mora ispunjavati i druge uvjete sukladno posebnim veterinarskim propisima:

- o minimalnim standardima držanja životinja;